



Adrodd Tryloywder 2024-25

**Dadansoddlad Incwm
2024-25**



**Dadansoddlad Gwarlant
2024-25**



Mae Prifysgol Metropolitan Caerdydd yn darparu graddau a gydnabyddir yn broffesiynol, ynghyd ag ymchwil ac arloesi effeithiol, mewn celf a dylunio, busnes a rheoli, addysg a gwasanaethau cyhoeddus, chwaraeon a gwyddorau iechyd, a thechnolegau a pheiranneg. Mae Prifysgol Metropolitan Caerdydd yn falch o fod wedi cael ei henwi'n Brifysgol y Flwyddyn y DU ac Iwerddon y Timers Higher ar gyfer 2021-22 a'i henwi'n brifysgol orau'r DU am gynaliadwyedd yng Nghynghrair Werdd 2023/24 People and Planet, sef yr unig dabl cynhwysfawr ac annibynnol o holl brifysgolion y DU sydd wedi'i raddio yn ôl perfformiad amgylcheddol a moesegol.

Mae'r Brifysgol yn ceisio datblygu addysg uwch ac ymchwil yn y De-ddwyrain, Cymru, y DU ac yn rhyngwladol. Ei hamcan elusennol yw ysbrydoli a galluogi unigolion, sefydliadau a chymunedau i lwyddo drwy arloesi mewn dysgu, ymchwil a menter o ansawdd uchel. Mae budd yr amcan elusennol hwn yn deillio o ddatblygiad deallusol unigolion a thrwy roi'r cyfle iddynt ymuno â bywyd proffesiynol mewn llawer o feysydd darpariaeth gyhoeddus a phreifat. Y buddiolwyr yw'r cyhoedd y mae addysg ar gael iddynt. Mae darpariaeth y Brifysgol yn cyd-fynd â strategaeth Llywodraeth Cymru ar gyfer addysg uwch ac mae'n gwasanaethu budd y cyhoedd drwy gyfrannu at adfywio rhanbarthol, diogelu'r amgylchedd a hyrwyddo cyfiawnder cymdeithasol.

Mae'r Brifysgol yn cynnig cyrsiau mewn amrywiaeth o bynciau gan gynnwys iechyd a gofal cymdeithasol, addysg athrawon a rheolaeth amgylcheddol, gyda thros 50 o gyrfff proffesiynol yn achredu ei chysiau. Mae'n ymgysylltu â phartneriaid ym myd busnes, y sector cyhoeddus a chymunedau mewn ffyrdd amrywiol hefyd. Yn benodol, mae'r Brifysgol wedi gwneud y canlynol yn ystod 2022/24:

- Cyraedd carreg filltir deng mlynedd o weithio gyda Chymuned y Met, menter sydd wedi newid bywydau miloedd o unigolion ledled Caerdydd drwy wella iechyd a lles drwy chwaraeon. Mae'r Brifysgol yn falch o weithio gyda Chyngor Caerdydd, Chwaraeon Cymru, Bwrdd Iechyd Prifysgol Caerdydd a'r Fro, y Comisiwn Heddlu a Throsedd, Cronfa Ymddiriedolaeth Ieuencid a Chwaraeon Anabledd Cymru. Mae'r bartneriaeth hon yn hanfodol wrth gyfrannu at Gymru iach a gweithgar drwy weithio gydag amrywiaeth o grwpiau cymunedol, gan gynnwys ysgolion, pobl ddigartref, pobl anabl, ffoaduriaid ac oedolion hŷn.
- Parhau i ddatblygu ein rhaglen Campws Agored, sy'n bartneriaeth rhwng Chwaraeon Met, YChGIC a Chyngor Dinas Caerdydd. Cynhaliodd y rhaglen dros 4,000 o bobl a fu'n cymryd rhan mewn gweithgareddau'n ymwneud â'r cwricwlwm a thros 4,300 o bobl a fu'n cymryd rhan mewn gweithgareddau allgyrsiol o 42 o ysgolion lleol, ar draws wyth grŵp blwyddyn.
- Cymryd ran, fel rhan o'i raglen ehangu mynediad, yn y Fenter Ymestyn yn Ehangach sy'n annog pwysigrwydd dysgu ymhlith ardaloedd a ysgolion yn Ne-ddwyrain Cymru sydd yn chwartel isaf Mynegai Amddifadedd Lluosog Cymru. Manteisiodd dysgwyr sy'n oedolion hefyd ar gyrsiau blasu am ddim fel rhan o ymrwymiad i sicrhau bod pobl o unrhyw oedran, cefndir neu grŵp ethnig yn cael cyfle teg a chyfartal i gael mynediad at Addysg Uwch.
- Sicrhau cyllid, gyda Phrifysgol Abertawe, i ddod ag ymchwilwyr, gweithwyr iechyd proffesiynol, cynrychiolwyr cleifion, ac eraill ynghyd i wella atal, diagnosis a thrin clefyd cardiofasgwlaidd yng Nghymru a thu hwnt. Mae hyn yn cynrychioli cam sylweddol ymlaen yn y frwydr yn erbyn clefyd cardiofasgwlaidd.
- Gweithredu clinigau Adsefydlu Cardiaidd, Rhagsefydlu Canser ac Ymarfer Corff er Iechyd a gefnogwyd gan fyfyrwyr israddedig ac ôl-raddedig. Mae'r rhain wedi cyrraedd dros 2,340 o bobl.
- Gweithio gyda Llywodraeth Cymru i ddarparu Partneriaethau Trosglwyddo Gwybodaeth fel rhyngwyneb effeithiol rhwng y byd academiaidd a busnesau Cymru - gan ddarparu mynediad at ymchwil, datblygu, arbenigedd, cyfleusterau a gwybodaeth i ystod eang o fusnesau sy'n cael eu harwain gan dechnoleg.
- Lansio'r Ganolfan Ymchwil Lleferydd, Clyw a Chyfathrebu gan ddod ag arbenigedd ynghyd mewn ymchwil therapi lleferydd ac iaith clinigol; clyw iach a chlyw â nam; a datblygiad dwyieithog ac amlieithog. Bydd hyn yn gwneud gwahaniaeth gwirioneddol i ddefnyddwyr gwasanaethau, gan sicrhau bod y gwasanaethau a dderbynnir yn effeithiol, yn effeithlon ac wedi'u llywio gan dystiolaeth o ymchwil o ansawdd uchel.
- Parhau â cham nesaf y Rhaglen Helix – menter a ariennir gan Lywodraeth Cymru – lle mae Canolfan Diwydiant Bwyd ZERO2FIVE Met Caerdydd yn darparu mynediad i gwmnïau bwyd a diod yng Nghymru at gyfleusterau yn ogystal â chymorth technegol a masnachol. Mae'r rhaglen Cymru gyfan hon wedi cyflawni effaith o £676 miliwn ar gyfer sector bwyd a diod yng Nghymru ers 2016.
- Parhau i hyrwyddo llesiant myfyrwyr ar y cyd ag Undeb Myfyrwyr Met Caerdydd. Cafodd gwaith ar leihau niwed a'r gefnogaeth a'r addysg a ddarperir i fyfyrwyr ar yr effeithiau a'r risgiau sy'n gysylltiedig â defnyddio cyffuriau ac alcohol ei gydnabod yng Ngwobrau Iechyd Meddwl a Llesiant Cymru 2024.

- Rhannu canfyddiadau o astudiaeth glinigol i COVID hir sy'n tynnu sylw at fewnwelediadau biofeddygol newydd a allai helpu i symud ymchwilwyr yn agosach at ddod o hyd i driniaeth i gleifion sy'n byw gyda'r cyflwr.
- Defnyddio ei chyfleusterau chwaraeon i ddarparu rhaglenni chwaraeon iau i blant lleol a chyfleusterau hyfforddi ar gyfer pob lefel o athletwr, a thrwy hynny gefnogi cyfranogwyr o'r radd flaenaf mewn amrywiaeth o chwaraeon cenedlaethol a rhyngwladol. Lansiodd y Brifysgol 'Game Changers', rhaglen beilot sy'n meithrin hyder a sgiliau arweinyddiaeth pobl ifanc ledled Caerdydd trwy weithdai gweithgarwch corfforol.
- Cefnogi dros 100 o blant yr wythnos trwy raglen hyfforddi tenis iau lewyrchus a lansiwyd menter tenis gymunedol newydd wedi'i lleoli yng Nghaeau Llandaf fel rhan o Strategaeth Parciau Tennis Cymru.
- Gweithredu Cynllun Benthycwyr Cymunedol, sy'n rhoi mynediad uniongyrchol i'r cyhoedd at gasgliadau llyfrgell y Brifysgol, gan eu galluogi i fenthycu llyfrau neu ddeunyddiau addysgol clyweledol eraill.
- Cefnogi sefydliadau cyhoeddus a thrydydd sector yn Rhanbarth Prifddinas Caerdydd a Rhanbarth Dinas Bae Abertawe i ddatblygu atebion gwasanaeth newydd a darparu manteision economi gylchol. Mae Cymunedau Arloesi Economi Gylchol (CEIC), prosiect cydweithredol rhwng Met Caerdydd a Phrifysgol Abertawe, wedi cefnogi 191 o ymarferwyr ar draws 81 o sefydliadau i gyd-gynhyrchu atebion ar gyfer sero net a'r economi gylchol. Mae'r prosiect wedi creu 28 o arloesiadau sydd wedi arbed mwy na £100,000 a thros 2,600kg o allyriadau CO2.
- Cynnal yr Arddangosfa Greadigol flynyddol, sydd bellach yn ei hwythfed flwyddyn, gan alluogi plant o dros 60 o ysgolion i rannu eu gwaith celf gyda'i gilydd, rhieni, a'r cyhoedd ehangach.
- Parhau i gefnogi Volunteer Zambia yn ei 20fed flwyddyn, gan wella ansawdd bywyd ieuenctid Zambia trwy chwaraeon a gweithgareddau hamdden. Mae'r fenter chwaraeon rhyngwladol arloesol hon wedi grymuso dros 160,000 o bobl ifanc ledled Sambia a'r DU ers ei lansio yn 2005.
- Cynnal Diwrnodau Cymunedol sy'n dod â chymuned y campws ynghyd ac yn ymgysylltu â'i chymdogion a'r cymunedau cyfagos. Mae'r digwyddiadau hyn yn codi ymwybyddiaeth ac yn hyrwyddo gweithio mewn partneriaeth â masnachwyr lleol, elusennau a busnesau bach sy'n gweithredu ochr yn ochr â gweithgareddau'r Brifysgol. Mae Met Caerdydd hefyd yn cynnig cyfle i fyfyrwyr, staff a'r gymuned fynychu Caffis Atgyweirio am ddim, a chymryd rhan mewn sesiynau casglu sbwriel yn yr ardaloedd o amgylch pob Campws.
- Wedi sicrhau cyllid i wella sgiliau darllen plant ysgolion cynradd Cymru. Bydd y prosiect hwn yn addasu 'Strategaethau Dysgu â Chymorth Cyfoedion' (PALS) i gyd-fynd â Chwricwlwm Cymru a gofynion yr iaith Gymraeg. Canfuwyd bod gweithredu mewn gwledydd eraill wedi gwneud, ar gyfartaledd, ddau fis o gynnydd ychwanegol mewn darllen, gan ddisgyblion a gafodd addysg PALS.
- Cymryd rhan yn Step into Sport - prosiect arloesol a ddatblygwyd rhwng Chwaraeon Met Caerdydd ac Ymddiriedolaeth Ieuenctid Heddlu De Cymru. Mae'r rhaglen hon yn defnyddio pŵer chwaraeon i fynd i'r afael â throseddau gan bobl ifanc, gan gynnig ymyriadau cynnar i leihau troseddau a hyrwyddo dyfodol cadarnhaol. Eleni gwelwyd gwaith Liam Mackay, Cydlynnydd Chwaraeon Cyfiawnder Ieuenctid, yn

cael ei gydnabod am gyfraniadau rhagorol wrth iddo gael ei enwi'n enillydd Gwobr Arwr Tawel Personoliaeth Chwaraeon y Flwyddyn y BBC 2024 Cymru.

- Mewn partneriaeth ag Iechyd Cyhoeddus Cymru, cyflwynodd Met Sport y rhaglen iechyd cymunedol Symud Mwy i fynd i'r afael ag anweithgarwch a chael pobl i symud mwy. Mae hyn yn cynnwys cynlluniau sy'n annog oedolion hŷn i symud mwy a gwella eu hiechyd corfforol a meddyliol.
- Gwella'r ddarpariaeth o gefnogaeth ar gyfer anafiadau chwaraeon i helpu'r gymuned ehangach, staff a myfyrwyr. Mae'r cydweithrediad hwn yn gweld integreiddio Clinig Anafiadau Chwaraeon presennol Met Caerdydd â Chlinig Anafiadau Chwaraeon Athletau Cymru sydd newydd ei sefydlu, gan sicrhau gwasanaethau adsefydlu hygyrch o ansawdd uchel i athletwyr o bob lefel.
- Lansio amrywiaeth o gyrsiau byr celf a dylunio gyda'r nos a phenwythnosau sy'n agored i bob gallu, gan roi cyfle i'r gymuned ehangach hogi eu sgiliau a chael mynediad at y cyfleusterau arbenigol yn yr Ysgol Gelf a Dylunio.
- Mewn partneriaeth â Bws Caerdydd i ddarparu gwasanaeth bysiau MetWibiwr. Mae hwn yn wasanaeth â chymhorthdal sy'n darparu llwybrau ychwanegol ar draws y ddinas i fyfyrwyr y brifysgol a'r cyhoedd.
- Hwyluso côr affasia cymunedol a fu'n cefnogi pobl â strôc a chyflyrau niwrolegol eraill, fel clefyd Parkinson. Dangosodd cynllun peilot blaenorol sawl budd i gleifion, gan gynnwys hwyliau gwell a gwelliannau canfyddedig i'w chyflyrau.
- Drwy Gronfa Ffyniant a Rennir y DU, mae'r Brifysgol wedi cefnogi dros 3,000 o ddysgwyr, ysgolion a busnesau ledled De Cymru gyda hyfforddiant sgiliau digidol, gan gynorthwyo gweithredu'r cwriclewlm a chystadleurwydd y gweithlu. Darparodd y Rhwydwaith Cymorth Dysgu Technoleg Ddigidol (DTLSN) hyfforddiant am ddim mewn meysydd fel AI, seiberddiogelwch, a chodio, gwella hyder athrawon mewn Cyfrifiadureg, hyrwyddo cydraddoldeb rhywedd mewn STEM, a gwella rhagolygon swyddi a gwydnwch mewn ardaloedd gwledig a difreintiedig.

Yn ystod y flwyddyn, roedd myfyrwyr sy'n huanu o Gymru yn y Brifysgol yn gallu cael Grant Dysgu'r Cynulliad ac roedd myfyrwyr sy'n huanu o Loegr yn gallu cael y Grant Cynhaliaeth; roedd y Brifysgol yn cynnig ei bwrsariaethau ei hun hefyd. Roedd amryw o gynlluniau eraill ar gael hefyd i gynorthwyo myfyrwyr i gael mynediad at addysg uwch, a gweinyddodd y Brifysgol gronfa wrth gefn ddewisol ar gyfer y rhai a oedd angen cymorth ariannol i barhau â'u hastudiaethau. Cynigiodd y Brifysgol bob math o sesiynau blasu achrededig mewn canolfannau allgymorth a phrosiectau pwrpasol gyda'r nod o godi dyheadau ymysg cymunedau difreintiedig/heb gynrychiolaeth ddigonol.

Yn yr un modd â chorfforaethau addysg uwch elusennol eraill yn y DU, mae'r Brifysgol yn cael ei goruchwyllo gan Fwrdd Llywodraethwyr, a'r rhan fwyaf ohonynt yn ddi-dâl ac fel arall yn annibynnol ar y Brifysgol. Mae Bwrdd y Llywodraethwyr yn cynnwys cynrychiolaeth o blith staff a myfyrwyr.